



Inatsisartunut ilaasortaq Karl Lyberth, Siumut  
/MAANI

**Arctic Green Food-imut akuersissutit pillugit apeqqummut nr. 2011-43-mut akissut**

25. feb 2011  
Sagsnr. 2011-045806  
Dok. Nr. 568966

Inatsisartut suleriaasianni § 37 naapertorlugu aalisarnermut atatillugu ingerlatsiviup akuersissutanut tunngasunik apeqquteqaatinik tulleriinnik saqqummiussimavutit:

Postboks 269  
3900 Nuuk  
Tlf. (+299) 34 50 00  
Fax (+299) 32 47 04

E-mail: apnn@nanoq.gl www.nanoq.gl

**Apeqqutit:**

1. Arctic Green Food Maniitsoq aalisakkerivimmut tulaassuisussanik nammineq aalisariuteqarnissaminut akuerineqarnikuva?
2. Arctic Green Food Maniitsoq qassunik sunullu aalisarsinnaanermut akuersissutnik tunineqarnikuva?
3. Arctic Green Food Maniitsoq aalisarsinnaanermut akuersissutinik tunineqarsi-mappat inatsisit suut tunngavigalugit tamanna pisimava?

**Akissut:**

**1-mut)**

Aalisarnermut angallatinik tulaassuisussanik ikkussinissamut Arctic Green Food-i akuersissutinik tunineqarsimavoq. Tamanna malittarisassat atuuttut naapertorlugit ingerlan-neqarpoq. Malugeqquneqarpoq Arctic Green Food-i sukkulluunniit immikkut ittumik pi-neqanngimmat, aammalu ingerlatsivik akuersissummik qinnuteqartutuulli allatut pineqar-simamat.

**2-mut)**

Ingerlatsivik Arctic Green Food 2010-mi tallimanik aalisarnermut akuersissuteqarsimavoq, imatut tulleriittunik agguanneqarsimasut:

- Qaleralinnut marluk;
- saattuanut marluk;
- saarullinnut ataaseq.

Ingerlatsiviullu taassuma 2011-mi sisamanik aalisarnermut akuersissuteqarpoq, imatut tulleriittunik agguanneqarsimasut:

- Qaleralinnut marluk;
- saattuanut ataaseq;
- saarullinnut ataaseq.

**3-mut)**

Ingerlatsivimmut Arctic Green Foodimut aalisarsinnaanermut akuersissutinik tunisinermi inatsisitigut tunngaviusoq tassaavoq Aalisarneq pillugu Inatsisartut inatsisaat nr. 18, 31. oktober 1996-imeersumi, § 6 imm. 2 nr. 3.

Aalajangersagaq taanna naapertorlugu ingerlatsivimmut pisortanit pigineqartumut imaluunniit ingerlatsivimmit Namminersorlutik Oqartussanit peqataaffigineqartumut aalisar-sinnaanermut akuersisummiq tunisisoqarsinnaavoq.

Ingerlatsivik Arctic Green Food ingerlatsivimmit Greenland Venture-mit piginneqatigiis-sutit 49 %-ii pigineqarput, Greenland Venture-lu ingerlatsiviuvooq Namminersorlutik Oqartussanit 100 %-imik pigineqartoq.

Taamaasilluni Arctic Green Food-ip aalisarnermut inatsit naapertorlugu piginnittuunis-samut piumasaqaatit naammassivai.

Inussiarnersumik inuulluaqqusillunga

Ane Hansen